

湘綺樓全書

湘綺樓全書

敘

小年讀漢以來五七言詩輒病選本之陋今時求書籍至艱不獨不見本且不知名年廿餘乃得古詩紀全唐詩旅京師合同人鈔選八代詩選還長沙錄選唐詩皆刻於成都官局八代詩選先成唐詩選未上板而余送妾喪歸留二百金令弟子私刻之主者以意去取譌誤甚夥及刻成印來蓋不可用八代詩則官錢所刻版固不宜致也保山劉景韓昔應秋試在京師見八代選便欲任剗劖及蜀刻成而劉權蘇藩又令官局更彫版同縣胡子夷又別有校刻本唯唐詩選但蜀刻繆本逡巡

便五十年矣唐詩首卷余仲子手鈔近歲有張生專學  
孟郊詩原選本孟詩僅兩首余恐專家病其隘乃更自  
補入孟詩卅首餘仍無所增以不能出入代外也仲子  
孤女少春筍年工寫書因俾掌之區區鈔撰俄經三世  
信日月之長也凡學明盛則必就衰歇詠歌而計工拙  
學之尤小小者然在當日如瞽之無相夜之迷途今乃  
得快其披吟幸甚至哉自今以後有求選本如余者乎  
但恐學業廢時地異不得閒寫其性情則漢唐作者又  
笑余多事也

光緒二十七年辛丑夏四月壬子王闔運敘

唐詩選總目

卷一

五言一

古體一

卷二

五言一

古體二

卷三

五言一

律體一

卷四

五言一

律體二

卷五

五言一

律體三

卷六

五言二

襍五言全卷

卷七

七言一

歌行一

卷八

七言二

歌行二

卷九

七言三

歌行三

卷十

七言一

歌行四

卷十一

七言一

歌行五

卷十二

七言二

律體全卷

卷十三上

七言三

絕句全卷

卷十三下

七言三

絕句別錄全卷

五言古體卷一

唐詩選第一

長沙湘潭王闓運字壬父撰

序目

太宗三首 朱仲晦一首 李百藥三首 王績四

首 盧照鄰三首 陳子昂十五首 劉希夷六首

宋之問八首 沈佺期三首 崔融一首 賀遂

亮一首 薛稷二首 吳少微一首 齊澣一首

李嶠三首 蘇頲一首 張說一首 袁暉一首

張九齡十九首 包融一首 蔡希寂一首 徐延

壽一首 宋昱一首 盧象二首 崔國輔二首

王灣一首 孟浩然十首 劉昫虛三首 沈頌一

首 李頎三首 綦毋潛一首 王昌齡廿六首

蕭穎士五首 儲光羲廿八首 王維十六首 蘇

渙二首 崔曙二首 李白四十首 杜甫四十六

首 岑參一首 房琯一首 元結十首 孟雲卿

一首 張潮一首 王季友一首 元季川一首

右錄四十六人詩二百八十五首

太宗文皇帝詩三首

帝京篇十首

秦川雄帝宅函谷壯皇居綺殿千尋起離宮百雉餘連

蕢遙接漢飛觀迴凌虛雲日隱層闕風煙出綺疏

其巖一

廊罷機務崇文聊駐輦玉匣啟龍圖金繩披鳳篆韋編

斷仍續縹帙舒還卷對此乃淹留欹案觀墳典

其移步二

出詞林停輿欣武宴琬弓寫明月駿馬疑流電驚雁落

虛弦啼猿悲急箭閱賞誠多美於茲乃忘倦

其鳴笳臨三

樂館眺聽歡芳節急管韻朱絃清歌凝白雪彩鳳肅來

儀玄鶴紛成列去茲鄭衛聲雅音方可悅

其四

芳辰追逸

趣禁苑信多奇橋形通漢上峰勢接雲危煙霞交隱映

花鳥自參差何如肆轍跡萬里賞瑤池

其五

飛蓋去芳園

蘭橈遊翠渚萍間日彩亂荷處香風舉桂楫滿中川弦

歌振長嶼豈必汾河曲方爲歡宴所

其六

落日雙闕昏回

輿九重暮長烟散初碧皎月澄輕素牽幌翫琴書開軒

引雲霧斜漢耿層閣清風搖玉樹

其七

歡樂難再逢芳辰

良可惜玉酒泛雲櫺蘭殽陳綺席千鍾合堯禹百獸諧

金石得志重寸陰忘懷輕尺璧

其八

建章歡賞夕二八盡

妖妍羅綺昭陽殿芬芳玳瑁筵珮移星正動扇掩月初

圓無勞上縣圃卽此對神仙

其九

以茲遊觀極悠然獨長

想披卷覽前蹤撫躬尋既往望古茅茨約瞻今蘭殿廣

人道惡高危虛心戒盈蕩奉天竭誠敬臨民思惠養納

善察忠諫明科慎刑賞六五誠難繼四三非易仰庶待

淳化敷方嗣云亭響

其十

執契靜三邊

執契靜三邊持衡臨萬姓玉彩輝關燭金華流日鏡無

爲宇宙清有美璇璣正皎佩星連景飄衣雲結慶戢武

耀七德昇文輝九功煙波澄舊碧塵火息前紅霜野韜

蓮劍關城罷月弓錢綴榆天合城新柳塞空花銷蔥嶺

雪縠盡流沙霧秋駕轉兢懷春冰彌軫慮書絕龍庭羽

烽休鳳穴戍衣宵寢二難食旰餐三懼翦暴興先廢除

凶存昔亡圓蓋歸天壤方輿入地荒孔海池京邑雙河

沼帝鄉循躬思勵已撫俗媿時康元首佇鹽梅股肱惟

卷一  
三  
五  
輔弼羽賢崆嶺四翼聖襄城七澆俗庶反淳替文聊就  
質已知隆至道共歡區宇一

山閣晚秋

山亭秋色滿巖牖涼風度疎蘭尙染煙殘菊猶承露古  
石表新苔新巢封古樹麻覽情無極咫尺輪光暮

朱仲晦詩一首

答王無功問故園

我從銅州來見子上京客問我故鄉事慰子羈旅色子  
問我所知我對子應識朋遊總强健童稚各長成華宗  
盛文史連牆富池亭獨子園最古舊林間新垌柳行隨

隄勢茅齋看地形竹從去年移梅是今年榮渠水經夏  
響石苔終歲青院果早晚熟林花先後明語罷相歎息  
浩然起深情歸哉且五斗餉子東臯耕

太子右庶子謚康安平李百藥字重規詩三首

晚渡江津

寂寂江山晚蒼蒼原野暮秋氣懷易悲長波淼難泝索  
索風葉下離離早鴻度北壑列夕陰葭莢凝寒露日落  
亭臯遠獨此懷歸慕

秋晚登古城

日落征途遠悵然臨古城頽墉寒雀集荒堞晚鳥驚蕭

森灌木上迢遞孤煙生霞景煥餘照露氣澄晚清秋風  
轉搖落此志安可平

登葉縣故城謁沈諸梁廟

總轡臨秋原登城望寒日煙霞共掩映林野俱蕭瑟楚  
塞鬱不窮吳山高漸出客行殊未已沐浴期終吉椒桂  
奠芳尊風雲下虛室館宇肅而靜神心康且逸伊我非  
眞龍勿驚疲朽質

大樂丞龍門王績字無功詩四首

古意六首

之三

竹生大夏溪蒼蒼富奇質綠葉吟風勁翠莖犯霄密霜

霰封其柯鵲鸞食其實寧知軒轅後更有伶倫出刀斧  
俄見尋根株坐相失裁爲十二管吹作雄雌律有用雖  
自傷無心復招疾不如山上草離離保終吉

桂樹何蒼蒼秋來花更芳自言歲寒性不知露與霜幽  
人重其德徙植臨前堂連拳八九樹偃蹇二三行枝枝  
自相糾葉葉還相當去來雙鴻鵠栖息兩鴛鴦榮蔭誠  
不厚斤斧亦勿傷赤心許君時此意那可忘

彩鳳欲將歸提羅出郊訪羅張大澤已鳳入重雲颺朝  
栖崑閬木夕飲蓬壺漲問鳳那遠飛賢君坐相望鳳言  
荷深德微禽安足尙但使雛卵全無令繒繳放皇臣力

牧舉帝樂簫韶暢自有來巢時明年阿閣上

石竹詠

萋萋結綠枝曄曄垂朱英常恐零露降不得全其生歎  
息聊自思此生豈我情昔我未生時誰者令我萌棄置  
勿重陳委化何足驚

新都尉范陽盧照鄰字昇之詩三首

詠史四首

之一

大漢昔云季小人道遂振玉帛委奄尹斧質嬰縉紳邈  
哉郭有道舒卷得其真雍容謝朝廷談笑獎人倫在晦  
不絕俗處亂不爲親諸侯不得友天子不得臣沖情甄